

万国史记

一
函
八
册
函

萬國史記卷十

歐羅巴史第六

法蘭西記中

王雅素

加北珍氏

英王義德華

王位

格列西之

戰

并人語用

大砲

王約翰弟

二

一千三百二十八年。俄羅斯侯沙爾子腓立第六。立爲法蘭西王。前王姪也。是爲加北珍氏第二朝。王與英國交戰。經久不息。初撒利律不許女子爲王。而先王沙爾之卒。無男子。唯有二女。而英王義德華第三。母依薩伯拉爲沙爾同胞。是以英人執論義德華實爲法王。政統外孫。固當卽法王位。法人爭之。一千三百三十九年。二國始交兵。明年。王親將戰艦四百。兵四萬。邀英軍於士來斯海。英王兵艦二百四十隻。便風張帆而進。弗勒民克人襲法軍。後法軍前後受敵。大敗。失船隻二百三十。兵卒三萬餘。遂議和。歟兵一千三百四十五年。又生隙。王出兵取哥也納。英王義德都將戰艦一千。與太子義德華來爭之。德爾比侯顯理將一軍克復哥也納。明年。兩國軍戰于格列西。英王告王以單騎決雌雄。王不肯遂大戰。法軍潰走。失將卒三萬。是役英人始用火炮。轉兵攻掠法國北部。一千三百四十七年。英人攻法國。加勒斯陷之。是歲兩國復講和。戢兵。先是法國連年戰爭。賦歛苛急。國人困苦。至此始得蘇息。一千三百四十九年。王取南部道非內。王弘伯爾棄國而遁。一千三百五十五年。王卒。子約翰第二立。約翰卽位五年。與英吉利戰。英太子軍裝用黑號。黑太子將兵入哥也納。攻畧郡邑。進至

羅爾明年王大徵兵與黑太子戰於波亞疊之東黑太子善用兵軍律肅整士卒用命麾下精銳八千亂發弓弩法軍大敗王與其幼子腓立見虜將校窘窮就擒法人見虜衆於英戰士黑太子携王入倫敦頭不戴冠跨馬而行如從者時人稱其賢王遂被幽於是王子沙爾第五監法國巴黎斯巨商馬色耳拉昂教長盧哥鳩等謀立拿瓦勒王沙爾爲王誘國人作亂馬色耳爲人所殺餘黨相繼而亡一千三百五十八年又有惹結利之亂惹結利者貴族斥言農民之語也是歲乃平一千三百六十年英王義德華親將兵圍巴黎斯一月無功復議和好沙爾乃割哥也納加斯哥宜加勒斯波以多等地與之王約以大金贖其身期償完質王子王子遁歸王再往倫敦遂不還沙爾第五卽位

沙爾監國既久緣達事務稱英王大得將士心卽位初復與英國戰一千三百七十四年講和議約息兵二年英地在法國者除哥也納加勒斯盡恢復之是役法國大將伯爾多蘭功最多一千三百八十年王卒王留心學術雖在兵間不廢講讀始設書庫於巴黎斯始置大自鳴鐘于公廨嘗定立嗣之法曰太子不盈十三歲不得卽位蓋防權臣專政之漸也子沙爾第六立

沙爾第六卽位之年年甫十三先王嘗屬其弟安如侯路易白爾里侯約翰不爾良侯腓立三人共攝政以待王長一千三百八十八年王親政粗放不能治事約翰腓立二叔再攝政腓立弟阿連斯侯路易欲得威伯亦參政一千四百年腓立卒其子約翰繼不爾良

倭位與路易生隙相爭後講和解怨二人共執政協力擊英一千四百七年年約翰使刺客殺路易于巴黎斯壘內兩黨之戰又起亞馬拿侯伯爾拿多助阿連斯王妃依薩伯拉助不爾良一千四百十二年阿連斯黨與英王顯理第五合英與法和一千四百十五年和議又破兩軍大戰于法國亞人可法軍敗失紳董七人兵士十二萬人英軍不過亡四十人一千四百十八年不爾良黨殺亞馬拿侯英王既取法國諸爾曼益進兵南方法士百暨阿連斯不爾良兩黨講和防英會王子沙爾怒約翰殺路易使刺客殺約翰約翰子腓立恨怒奔英謀舉兵滅沙爾兩黨復執兵相門巴黎斯府人深惡沙爾介腓立請降於英且請英王顯理第五納法王女爲妃兼王法國一千四百二十年遂與英國講和議王女加他隣適英王英王與王約法王在世英王爲舅氏攝法國政王卒乃兼王法國於是英王與妃俱入巴黎斯見法國羣臣羣臣署名誓書唯南方諸郡不從立王子奉之一千四百二十二年王卒英王乃稱法王尋卒沙爾嘗察諸商占贏利設法徵稅得金買地以爲私邑國會非之立約曰自非衆議所與不得一毫徵額外之稅自是稅法一定無復培克之患然而英釁一開連年用兵國庫空匱鑄錢給之弊竇叢興國會亦無如之何是時國人約翰入伯耳治始作膏畫描寫萬象逼真有一卒作小統火器漸精

沙爾第六子沙爾第七卽位波亞疊王土唯有塞納河以南餘盡歸英王爲人庸暗國用窮竭兵甲靡敝欲起兵恢復疆土屢與英戰屢戰輒敗一千四百二十八年王渡羅爾河

通河北悉歸英轄。英兵進圍阿連斯。法陣中有一處女。名若安。亞爾格。本農家女。不知
 聖書。而心思英敏。自幼崇神誦經。能惠乞兒貧民。目擊本國危難。不堪憤怨。默禱天神。日
 夜不解精神。凝結。白晝見神。誓効身國家。解阿連斯圍。自至保高留守。將胞多利高陣。告
 以受神敕。攘敵人之說。胞多利高使人攜若安至西嫩謁王。若安謂王曰。妾受命上帝。欲
 驅逐殿下仇敵。奉殿下于穆牧之地。奉法國王冕。前此若安未嘗見王。而能知王於稠人
 之中。見王語王心曲。無一不中。國人聞之。皆謂上帝。為法國降此女。再造國家。兵卒自四
 方奔波。欲見若安。若安跨白馬。出面兵士。鐵甲燦然。右手握長劍。左手執神旗。提孤軍。過
 敵陣。入阿連斯城。城中歡聲如雷。設盛饌。饗若安。若安辭之。唯喫葡萄酒一盞。麵包少許。
 不異在家之時。率諸軍襲英軍。累戰男勝。英兵望之而逃。閱九日。圍全解。若安至王所。拜
 跪告王。至黎牧冠王冕。是時英兵割據諸處。道路梗塞不通。聞若安至。皆開門降。王遂至
 黎牧行。即位禮。若安戎衣。握神旗。帶寶劍。侍立儼然。法人觀之。莫不流涕相慶。若安將辭
 王歸舊里。淚泫泫下。王留之。恢復巴黎斯。若安不得已而從之。與強敵奮戰數次。屢奏偉
 功。一千四百三十年。欲破江比尼圍。眾寡不敵。法軍潰走。若安殿而退。獨門大挫敵勢。將
 人門門扇閉。敵之不應。蓋鎮帥妬若安功。餌之敵人也。若安突重圍出。為不爾民人所虜。
 不爾民人嚮之。英英人歡呼。囚諸土窟。一年。以若安為修妖術。付法教審院。若安毅然不
 屈。教士論其敗亂法教。一千四百二十一年。就盧昂市英殺之。投其灰於塞納河。後法王

哀若安死。賜爵其家。列貴族。建碑於阿連斯及盧昂。勒其功傳不朽。

一千四百三十五年。王與不爾良侯腓立講和。自引殺約翰之罪。爲出債金。兩族爭鬪始息。明年腓立助王攻英。復巴黎斯。一千四百四十年。國中大族。侮王柔懦。煽衆作亂。王遣兵討滅之。一千四百四十九年。與英講和。是時法國傭兵爲盜。民苦之。因廢之。新置額兵一千四百五十年。復與英國戰。自是兵連三年。法人屢勝。恢復諸爾曼全部。哥也納一部。尋大破英兵於加斯的命。殺其大將大爾伯。自是法國復昔時之勢。加勒斯外舊土再爲王有。

路易第十一。沙爾第七之子也。沙爾末年。謀毒弑之。以篡其位。事覺。匿於不爾良侯家。一千四百六十一年。沙爾卒。路易遂即王位。首欲抑侯伯之權。以張王威。侯伯大怒。一千四百六十四年。起兵擊王。比利達尼侯沙羅勒侯不爾良侯爲之首長。明年。王發兵伐之。戰于門的非理。互有勝敗。尋與侯伯和。賜之先世遺地。盟曰。有不便于民者。悉除之。一千四百六十八年。王與不爾良侯沙勒會于北侖尼。王嘗竊嗾魯日人叛。不爾良王在北侖尼會魯日人起兵。王計離離。不得已與沙勒討魯日。而欲殺侯伯之權。志益堅。屢托事奪其土地利稅。沙勒謀據其邑。自立爲王。日耳曼帝弗勒得力以爲不可。乃止。欲籍兵威。廓疆土。稱王。遂發兵擊四隣。瑞西人與魯達林奔侯連和拒之。沙勒再戰皆敗。一千四百七十四年。復戰于南史不爾良。軍大敗。沙勒死。王聞之大喜。欲併其地。沙勒有女曰馬利嫁日

耳曼帝弗勒得力于馬西密憐。及父死。自領不爾艮。一千四百七十九年。馬西密憐出兵。擊王於介。因伽伯破之。一千四百八十一年。王與馬西密憐會于亞拉斯。講和。爲王子娶于奧。明年王卒。王爲人殘忍狡詐。嘗增稅額。國人不悅。王執抗命者。悉絞殺之。盛屍布囊。善之曰。汝等死法。能使我法大行。投之河中。貴族有處斬者。輒置其諸子斬首。架下刎之。使父鮮血。濺子之體。臨終遺言曰。無含容量。不可君人。王嘗與學校。法律醫術。各異其校。專門教授。鴻儒碩學。前後輩出。又招職工於他國。教民養蠶。紡績之業。子沙爾第八。嗣立。一千四百九十一年。王絕奧婚。與英人及英人西人合兵來伐。明年。輸銀錢七十萬于英。歸英侵地。二國軍退。奧亦罷兵。一千四百九十四年。逐國中猶太人。率兵入意大利。取拿破里。暴斂無度。終失其地。一千四百九十八年。王暴卒。其子路易第十二立。能慎德。薄稅斂。國人親戴。稱之曰國父。錢貨鑄王面以行。王嘗取拿破里。米蘭後。與教皇入略斯第二戰。不克卒。失米蘭諸地。屢謀復之。一千五百十五年。齎志而卒。從子弗朗西斯第一立。佛朗西斯豪邁。繼先志出兵。伐意大利。取米蘭。與日耳曼帝甲列第五交兵。不解。一千五百二十一年。伐西班牙。及荷蘭。敗績。始貸國債四萬金。一千五百二十四年。再伐意大利。爲甲列第五所擒。國亂。王妃攝政。明年甲列要王割不爾艮。以王子爲質。王許之。甲列乃釋王還國。國會不肯割地。曰。是國之大事。豈一人之所能擅乎。不許。以銀二萬贖王子。及不爾艮地。後尚用兵不已。久之。會于賽孫東北。古勒皮邑。以講和議。其事詳于日耳曼史。

王理
二
約中
文
正
說

王
理
二
約中
文
正
說

一千五百四十七年王卒王屢與他國戰毫無所得志深用心于武事給金日瑞兵卒自備號曰傭兵分其兵爲三軍軍六千人與英王會於甲來之傍兩國軍裝壯麗度越前古人呼曰錦繡野始設印書房國人備尼留始測定天度洋里先是法國文書多用古拉丁語與平土言語不同從旁學者至王時學士始用國語改定文法使人易通曉自是兵法律令及政治諸學術大進王卒子顯理第二立

顯理第二既即位寵姬維亞那假王命用事王后加他憐殊怏怏室家不和佛朗西斯時有約翰甲爾文始倡改正教法之說至王時信奉其教者漸衆其說大行於國中甲爾文以一千五百九十年生子賓孫少爲祭司兼治法律自一千五百三十年以後深用心于教法欲正舊說之謬去巴黎斯寓居瑞士之巴悉著書述意後轉居日內瓦及十多拉堡一千五百四十一年爲教學長老于日內瓦甲爾文平居固守禮法持身嚴正遂憑所行定爲教門儀則一千五百五十八年王卒子佛朗西斯第二立

當是時國中政教並有二派貴紳大教各爲之長一日介斯族介斯侯佛朗西斯教宰沙爾爲之長皆奉加特力教者也一日不爾奔族王族那瓦勒王安隊尼公得侯路易二人爲之長路易奉波羅特士坦教而安隊尼心思不定或歸新教或奉舊教兩黨互爭威權相擠排更有奉波羅特士坦教者曰呼格腦的水師督谷利尼爲之長一千五百六十年呼格腦的徒說不爾奔族起兵擊介斯族不爾奔兵大敗路易爲擒是歲佛朗西斯第二

卒弟沙爾第九嗣

沙爾即位年甫十歲。母加他憐攝政。借民款至九百萬。加他憐惡介斯族威權太盛。欲抑制之。巴力門議贊路易死。加他憐從之。介斯黨怒。加他憐助不爾奔族。與呼格腦的合力抗之。爭雄不相屈下。他國君長竊助兩黨。西班牙王腓立第二。左袒介斯族。英吉利王依利薩伯爲公。後援日耳曼人。亦有助公得者。一千五百六十二年。呼格腦的之徒。行禮拜於空西道院。介斯族見之。不堪怒。殺其六十人。餘皆逐之。國中 new 教徒聞之。齊舉兵。自是兵結不解。至一千五百九十八年。始息。名曰法教八次之亂。加他憐初助波羅特士坦教黨。後爲加特力教黨。一千五百六十四年。王始親國政。亦歸加特力教。一千五百六十二年。介斯族與安隊尼族共攻盧昂。陷之。安隊尼初爲不爾奔黨。叛爲介斯黨。無幾被創而死。自是兩黨屢戰。是歲采留之役。介斯黨聖安多烈戰死。一千五百六十七年。聖德尼斯之役。介斯黨蒙摩連西戰死。一千五百六十九年。惹爾那之役。公得爲虜。遭統殺。三戰悉敗。皆歸呼格腦的。而介斯族亦多戰死者。佛朗西斯爲呼格腦的。徒然得麥黎所殺。安隊尼子顯理嗣。爲那瓦刺王。後又爲呼格腦的首領。時加特力徒。何比達爲尙書。用事。定和約章程。極公平。呼格腦的徒。得行其志。及何比達罷。加特力徒主張私論。廢前約。奪呼格腦的特權。且立一法曰。今後棄加特力教人。他教者皆處死刑。呼格腦的徒大怒。又衆爭。開加特力黨大臣。嘗有憂之者。一千五百七十年。會於聖日耳曼。行或弭亂。巴黎斯

及其他明邑外。呼格腦的自由說。教自是呼格腦的徒。歸心王室。王室乃寧谷利尼再入王宮。大得寵任。一千五百七十二年。使王女兄弟馬加勒達嫁那瓦勒王顯理。以解兩黨怨。後六日。加特力徒暴起。大逞殺戮。是謂巴托羅謬之變。初加他憐及王弟顯理二人。妬谷利尼威權。使刺客陰殺之。谷利尼傷不死。二人懼。更與大將達彎尼及其他黨謀。欲殲呼格腦的徒。作飛書告呼格腦的謀叛。以欺王。王信之。命誅之。加他憐等急發兵捕呼格腦的徒。盡殺之。殺戮徧于國中。經八日夜。新教徒無敢與抗者。從容就死。死者五萬人。介斯侯顯理率一隊兵圍谷利尼邸。虐殺之。那瓦勒王顯理公得侯顯理為敵。所追皆歸加特力教。西班牙王腓立第二遣使賀其能服新教徒。教皇讚其傳美事於後世。鑄造金牌。正服詣祭壇。稱代萬眾謝天佑。不爾奔黨怒。加特力黨暴殘。又起兵。那瓦勒公得二人將兵圍羅舌勒城。堅不拔。明年議和。斂兵。王深惡新教徒。殺戮不已。前後所殺殆十萬人。至於手斂。臨窆射人。一千五百七十二年。中熱恍惚。中見老稚被血。做夜叉狀。立已眼前。因命勿殺老稚。臥病八月卒。弟顯利第三嗣。

顯理第三在位。宰臣擅權縱肆。那瓦勒公得二人復歸波羅特士坦教。乘王家之衰。起兵。一千五百七十六年。與介斯黨講和。訂約。約規有言。今後呼格腦的行教。除巴黎斯外。無論何地。莫不自由。又得任諸官。巴力門議員一半。用其教徒。加特力徒嫉呼格腦的威權。漸盛。遂合力立一教會。謂之利克。介斯顯理為之首領。西班牙王腓立第二陰助之。教會

王意在翼戴加特力教。以滅呼格腦的。又欲廢王。以介斯侯代之。兩黨交相擠不已。至一千五百八十五年。遂大亂。王與那瓦勒王並稱顯理。介斯侯亦稱顯理。時人謂之三顯理之戰。一千五百八十七年。兩軍戰于高多拉。那瓦勒軍擊破。王師明年。那瓦勒軍敗。公得亦死。王與介斯爭威權。國人多從介斯者。介斯自稱法國總督。大會議于不賴。王遣刺客殺介斯。一千五百八十九年。太后加他憐卒。加特力教徒結十六利克抗王。立馬也。那侯爲法國總督。王不能制。走歸那瓦勒。是歲多米尼干教師格力門論王背法教。弑之。聖古勞瓦羅斯氏統絕。

那瓦勒王顯理。以支族嗣位號顯理第四。實不爾奔族。爲加比珍氏第二朝支派。王素奉波羅特士坦教。既卽位。又與利克戰。一千五百九十年。擊利克兵于伊弗黎。破之。而國人信加特力教者益多。巴爾馬侯率西班牙兵入法國境。以助加特力教黨。王察其勢之不利於已。遂歸加特力教。與西班牙人會於勿爾茵。以和。一千五百九十八年。榜諭叩呼格腦的徒權。盡其說教之地。是謂難得榜諭。加特力徒大悅。王令其執政。蘇爾利施新政於全國。除民疾苦。弛不服國教之禁。准其官服。蘇爾利殫心力。贍國用。又勸民用力於農工。一千六百十一年四月。與朝臣數人乘車過巴黎斯市。有數車遮路。御者止車。王下車。加特力教徒拉威刺。抽劍迫王。一擊殺之。蓋拉威刺欲殺異教人。王不聽。遂及此。王性善良。能副國人望。嘗有大志。欲逐土耳其。俄羅斯。於亞細亞。驅英吉利於海島。滅日耳曼及西

王莽傳
十三

助漢
長史

助漢
長史

班牙帝家分公歐爲同列國各濟其國力莫相逼開一大議會國選代議士與之議定大政平定全歐開四海一家之國體有爭訟起則已裁決之與億兆休息於無事蒐軍實儲武備國運日興及卒國人哀哭如喪父母至今稱道不衰子路易第十三立

路易第十三卽位年尙幼王母馬利攝政龍臣根西僞起於微賤累歷諸官遂陞大將馬利知國人不平於已一千六百十四年十月下令國中教士貴族及平民各出代議員議事議員意見不一而散一千六百十七年累聶士使刺客殺根西僞累聶士者王少時狎友也於是王逐其母親庶政而政權遂歸累聶士國人嫉之猶根西僞馬利乘間煽動人心國內洶洶累聶士懼請勒孫教大長黎塞留調停一千六百二十年黎塞留論二黨解怨結盟約既而累聶士死馬利復執國權一千六百二十四年黎塞留進位爲教宰

黎塞留以智畧輯睦全國又繼顯理第四遺志始派遣使臣駐劄友國京城增造船艦出兵四方以耀武威當時貴族威力過重民權不平黎塞留欲裁制之貴族聞之大怒一千六百三十二年誘國人作亂太后馬利及阿連斯侯喀族敦爲首倡西班牙人陰助之無幾喀斯敦降其黨蒙摩梭西侯亦見殺亂卽平於是黎塞留大削貴族之權又惡呼格腦的揮兵屢發兵擊之降拉羅舌嚴禁其貼兵器申明難得榜諭一千六百三十五年與荷蘭約合兵攻西班牙嗣後三十年爭戰不已一千六百四十二年黎塞留卒黎塞留在相位年久厚外交勵文化立功於法國自古宰相行志末有如黎塞留者俄帝彼得嘗游觀

法國上其基道慕英風慨然掩淚曰使斯人與孤同世而生則雖割俄國之半與之不恪也是時各府代議士倡民權說抗貴紳曰貴紳兄也衆庶弟也貴紳曰貴紳猶主衆庶猶奴隸當然論爭主下令散會國人不服激徒交起倡共和說一千七百八十九年之亂胚胎於此云始設京報造玻璃鏡魯熟始傳造火漆之法多利色里造風雨表一時人材輩出

一千六百四十三年王卒子路易第十四嗣年甫五歲太后安奉先王遺命攝政安西班牙王腓立第三女也意大利人馬撒倫爲教宰輔之先是國人恨政府稅人不公收斂無度大將都連屢爲國勇戰公得侯又破西班牙兵帷西發里和議大爲法國利而民皆弗悅至是政府更課金幣巴力門論其違法不肯用命太后大怒捕巴里門議員下獄欲行己志國人憤激抗太后及馬撒倫是謂弗倫德之亂巴黎斯副教大長坤提及貴族數人爲之首長弗倫德猶言投石軍以其人無鬪心類兒戲故有此名是歲大水不登餓莩相踵哥斯古尼教長萬聖法羅創賑荒社傾產賑恤又創一社募婦女育棄兒棄兒院始於此一千六百四十八年弗倫德之亂作初公得助太后戰有功後叛爲弗倫德黨一千六百五十一年王親政發兵擊公得戰公得兵勢甚熾王師屢敗馬撒倫出奔太后招還之一千六百五十二年都連將兵與公得大戰於巴黎斯前街都連敗退公得進逼巴黎斯市人開門納之馬撒倫復出奔既而王師逐公得公得乃去法國與西班牙台西人以公

得爲瓜也。那太守法軍進攻陷之。自是法西兩國之戰復起。一千六百五十四年巴力門論公得降敵之罪。擬以死刑奪其官職田產。是歲都連又與公得戰于騰格破之。明年王始分國爲三十二道。

馬撒倫有大志。既逐公得平國難。藉王命抑制貴族及巴力門。稱匡時之宰。欲與西國和。遂及諸國。一千六百五十六年十一月兩國會於比利牛斯行成。王娶西王腓立第四女馬利別理薩爲后。腓立與王約。王子孫無求西王位。以防兩國合併。由是法國得羅支命塞達尼等地。公得復其田產官職。還於本國。明年馬撒倫卒。遺產累鉅萬。古耳比爾代執政好實興。長理財。常謂富國在力農桑。開物產。使人人食力。不仰給於外國。下令國中決陂澤。修道路。減地租。賤鹽價。禁穀種外出。廢水陸關稅。定山澤厲禁。改商律。審法典。招致四方工匠。以教國人。巨業製造貿易之盛。冠於一時。比爾嘗製簿冊登記。每歲出納奇贏一覽可了。各國皆仿其法。所謂概算法是也。

自惟西發里之成行。法蘭西霸於南方。瑞典雄於北方。先是法國黎塞留。馬撒倫相繼當國。收大權歸政府。王智勇過人。初耽淫佚。一旦幡然改心。好功誇大。親政初網羅人材。置之左右。文武奇才異能之士。盡萃都城。人物之多。學術之盛。稱歐洲第一。國勢勃興。而王自視欲然。欲使法國威權。駕諸強國。且恢擴疆土。以萊茵河爲法東界。遂與諸國爲仇敵。用兵四十年。國力疲弊。怨言載塗。晚年頗悔恨。務撫其民。然異時大禍。隱然胚胎于當日。

兩全之和

法東傳日

法國推英

伐大將公得邀之大戰於海腦得之東北互有勝敗。大將都連出兵萊茵地方連陷日耳曼諸邑。明年搆連與日耳曼大將家的古古利戰於巴丁敗死。軍潰尼歲西齊里米西那邑民叛。西班牙王出兵助之。明年水師提督圭斯尼與荷蘭海軍將雷的爾大戰於地中海。大破之。斬雷的爾。一千六百七十七年四月王弟腓立與大將盧森堡擊荷蘭。又破之。別將拔西國諸城。明年法人與荷人會於尼麥拿。行成尋西國亦與法和。與下士十四邑。明年日耳曼帝亦與法和弗勒得力。維廉不欲和。以諸國既解兵故。遂與法瑞二國和。盡還其侵地。法國威勢益熾。王自稱大王。使侯伯一人執燭侍立如使大神。王既與諸國和。尚抱蠶食之志。起議事院於比三孫。置官衙于麥都及不里撒。監視閔士德。尼麥拿講和時所得諸邑。使其聽命。法國又以亞撒西爲法屬地。強之從已。無幾又奪斯多拉堡盧森堡。於是荷日西瑞四國合從禦之。國中多事。加以土耳其之難。兵力不振。一千六百八十四年遂與王會於兩堡講和議息兵。二十年王盡得其侵地。未幾和破。是時巴爾都選侯甲列卒。甲列爲王姻婭。王謀取其地。又奪維廉第二邑阿蘭治。親將兵攻熱那亞降之。一千六百八十六年日西荷英諸國盟於奧斯堡。聲王罪伐之。及王廢難得榜榆新教。德憤怨。德惠同盟諸國益固其志。一千六百八十八年王伐日耳曼兵威強盛。奪巴爾都及窩牧斯卑爾諸邑。盡火之。欲變萊茵河堧盡爲荒野。以便守禦。蓋大將樓倍謀也。先是荷蘭總督維廉第三爲英王諸國推之敵王。英故王惹迷斯第二爭王位。維

廉不能出兵他國。遣其將若耳治於西班牙以督同盟軍。王毫無畏難色。是歲又出一軍於發蘭德。一軍于意大利。一軍于加大羅尼亞。更遣海陸二軍於愛爾蘭。援惹迷斯。謀復其位。一千六百九十年。諸國會於維也納。尋盟。撤至侯維多爾。亞馬丟士亦入其盟。法將盧森堡與若耳其戰於弗流路。敗績。維廉擊惹迷斯於薄隱破之。惹迷斯脫走。投法國。維廉親率兵抵西國。戰督一千六百九十一年。與盧森堡戰於斯丁基建。不利。明年大戰於蘭田。亦敗。蒙斯那慕等諸邑盡屬法國。是時法國海軍兵艦二百三十隻。所向無敵。及晚年兵數漸增至四十五萬人。

一千六百九十三年五月。亞蒙得路塞二將將英荷兩國海軍來伐。海軍將都爾非邀之戰於拉合及海角。法軍大敗。兵結連年不解。國用罄竭。新附諸邑皆勸弭兵。一千六百九十六年。王與撒至侯會於部林。講和。盡還侵地。同盟諸國亦知法人倔強。不可壓服。明年會於力斯維立約。弭兵。王許維廉爲英王還阿蘭治。及其他嘗所侵略。日西兩國之地自兵起至是九年亂始平。

先是王后奴王納優人士甲倫孀婦馬達迷爲妃。大寵之。以其棄新教從羅馬教。故舉殊典。賜之美號。以風新教徒。王晚年虐新教徒。由馬達迷等從惠。嘗禁新教徒拜禮。不從者盡放逐之。國人出奔他國者甚衆。命開海口捕之。送諸軍艦。廚房爲奴。薪沒家產。失良民八十萬人。